



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCCXIII. Der Rath zu Salzwedel bekundet einen Rentenverkauf des
Kersten Burwig an U. L. Frauen-Gilde daselbst, am 4. April 1469.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

denn genomden ghildemestern vnd ock nachkomen sodann vesteyn marck penninge houetstoelsz myd allen bedageden nastelligen renten full vnd all entrichten vnd betalen vnd alszedenn schal em offte synes genanten hufesz myd sinen thobehorungen hebbere vnd besittere sodann eyne marck penning renten wedder vry vnd losz sin. Defz tho Bekenntnisse hebben wy vnser der olden Stad Ingefelgel ghehangen heten an dussen breff, na Cristli gebord verteynhundert Jar, dar na in dem negen vnd solztigsten Jare, am fridage vor siluestri pape.

Nach dem Original im Stadtarchive zu Salzwedel, Fach, 12, No. 48.

CCCCXIII. Der Rath zu Salzwedel befundet einen Rentenverkauf des Kersten Burwig an U. L. Frauen-Gilde daselbst, am 4. April 1469.

Wy Tide brunow, Otte fytzelberghe, Clawes molre de older, hans wopelt, Wylhelm bor-mester, Clawes rekelingh, hinrick grote Jan, hans rodensee, dyderik alingstede, hans seluede, hoyer bertold, hans boek, hennigh kramer, hans munter, hinrik dorheyde vnde Jurgen schulte, Rad-manne To soltwedel, Bekennen apenbar myt dessem breue Tughende vor alliszwonn, dat in vnser ieghenwardicheyt vnse borgher kersten buruig heft vorkost rechte vnde redeliken to eynem rechten erkope, verkost ok ieghenwardich in craft desz breues, den ghildemestern vnde vorweseren der ghilde vnser leuen vrowen Role gladegow, hans bekkern, Otte hinrikes vnde eren nakomeren To nuth vnde behof der suluen ghilde twe mark penning iarliker rente soltwedelscher weringe vpp vnde an synem huse, in der breden strate by hans powchen alder neghest belegghen, vor vertich mark penning der suluen weringhe, de eme de erbenomeden ghildemester wol to dancke vornoghet vnde betalet hebben. Desse twe mark penning iarliker rente scal vnde wyl kersten, eebenomet, vnde synes huses besitter den ghenomeden ghildemestern vnden eren nakomeren alle iar to ver tyden des iares, Alze To sunte michaelis daghe, To wynachten, To paschen vnde to sunte Johans daghe to eyner isliken vorsecreuen tyd by achte schillinghe der erscreuen werung vtrichten vnde gutlikin betalen, sunder vortoch vnde weddersprake. Doch heft de genante kersten vor sik vnde synes huses besitter den fryen wedderkop der vorsecreuen twyer mark penning iarliker rente vor vertich mark beholden, Alze wann es eme vnde synes huses besittern dat wol lustet vnde bequeme isz, mach he vnde scal den vorbenomden ghildemestern vnde eren nakomeren vertich mark penning soltwedelscher wering houetstoels entrichten vnde betalen vnde dar mede de erdachten twe mark penning iarlikes tynszes von synem huse wedder qwytten vnde fryhen. Wanneer denn de vertich mark penning houetstoels also myt der bedaggheden rente thor noghe entrichtet vnde betalet synt, So scolen kersten, obgenannt, vnde synes huses besitter der vorsecreuen twe mark penning iarlikes tynszes weder qwyt, fry vnd losz syn. To orkunde hebbe wy radmanne, obgenante, vnser der nygenstad ingheseghel wylliken an dessen bref henghen laten, na Christi vnser heren ghehort verteynhundert iar, dar na im neghen vnde seltighesten iare, An dem daghe Ambrosy des hillighen lerers.

Nach dem Original im Stadtarchive zu Salzwedel, Fach 13, No. 3.